



## SAOPŠTENJE ZA MEDIJE

### Počela prodaja ulaznica za treće izdanje dm stručnih konferencija o zdravlju žena

*U Sarajevu i Banjaluci stručnjaci govore o tome kako voditi zdraviji i osvješteniji život*

**Sarajevo, 5.5.2025.** - Nakon velikog interesa i pozitivnih reakcija prethodne dvije godine, konferencije posvećene zdravlju žena ponovo stižu u dva bh. grada, Sarajevo i Banjaluku. Fokus ostaje isti, a potreba da se o ovim temama govori je još veća. Fizičko i mentalno zdravlje žena i ove godine bit će u centru pažnje, uz predavače koji su vodeći stručnjaci u svojim oblastima.

Konferencija u Banjaluci bit će održana 23.5.2025., dok je Sarajevo domaćin 30.5.2025. godine. Ulaznice za konferenciju mogu se kupiti od 5.5.2025. u odabranim dm prodavnicama u navedena dva grada. Cilj konferencija je izuzetno važan: ohrabriti žene da brinu o sebi, svom tijelu i umu, ali i da zatraže podršku onda kada im je potrebna.

**„Zdravlje žena je mnogo više od redovnih pregleda ili zdravih navika. Ono obuhvata i mentalnu stabilnost, balans između privatnog i poslovnog života, kao i spremnost da se otvoreno govori o izazovima s kojima se žene svakodnevno suočavaju. Zato smo odlučili da i ove godine okupimo vrhunske stručnjake koji će ponuditi konkretne savjete te otvoriti prostor za važne razgovore“**, poručila je Ajla Hadžić, menadžerica marketinga u dm BiH.

O temama poput **prevencije karcinoma dojke, endometrioz i HPV-u u Banjaluci od 10 do 15 sati** govorit će doktorice Stanislava Lekić i Dragana Reljić, zatim doktor Sladibor Lakić, te doktorica Ives Šindrak. Dok će o odgovoru na pitanje „Kako si“ govoriti Danka Stojanović Mitrović.

**U Sarajevu će od 9:30 do 16 sati biti održana četiri predavanja i jedna panel diskusija.** O ishrani kao terapiji te zašto osjećamo umor govorit će doktorica Amina Šeta, dok će o mentalnom zdravlju govoriti psihoterapeutkinja Ariana Čatović, o važnosti preventivnih pregleda i znanja o HPV-u predavanje će održati doktorica Hana Štimjanin Hodžić. Doktorica Anida Divanović Slato će ukazati na to kada nam je upaljen tihi alarm, odnosno kada izostanak menstruacije otkriva više od pauze. Za kraj konferencije doktorice Aida Zujović-Ajanović, Una Delić i Enisa Mešić diskutovat će na temu “Šta ni(st)e do sada znali o karcinomima dojke i jajnika”

Ulaznice su u prodaji od 5.5.2025., u odabranim dm prodavnicama u Banjaluci i Sarajevu, a broj mjesta je ograničen. Cijena ulaznice je 10 KM.



Tokom konferencije, pored predavanja stručnjaka, prisutne očekuju i pokloni dm-a i partnera konferencije, a ulaznica uključuje i ručak te kafe pauze. Bez ulaznice neće biti moguće učestvovati na konferenciji te iz dm-a pozivaju zainteresovane da što prije nabave svoju ulaznicu i osiguraju mjesto na ovom jedinstvenom događaju.



## **Više informacija o dm drogerie markt d.o.o.**

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 18 godina dm se sa više od 1.200 zaposlenika i 94 prodavnice u 47 gradova te distribucijskim centrom u Sarajevu pozicionirao kao vodeća kompanija u kategoriji drogerija. U poslovnoj godini 2023/24. dm je u Bosni i Hercegovini ostvario promet od 421,2 miliona KM. Asortiman dm-a obuhvata gotovo 14.000 proizvoda etabliranih svjetskih i domaćih proizvođača, među kojima je 31 dm robna marka kao što su Balea, alverde, Mivolis, trend !t up, Denkmit, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

dm u BiH imidž Najpoželjnijeg poslodavca, priznanja koje mu je dodijeljeno jedanaest puta, od toga devet puta zaredom, gradi kontinuiranom brigom o zaposlenicima te im, uz brojne pogodnosti kao što su redovni sistematski i stomatološki pregledi, školovanja i edukacije, svake godine isplaćuje regres i 13. platu.

Saopštenja za javnost na raspolaganju su Vam na <https://www.dm-drogeriemarkt.ba/pr-imeriji/saopstenja-za-medije>, a arhiva fotografija na <https://www.dm-drogeriemarkt.ba/pr-imeriji/fotografije-za-medije>.

## **Za više informacija molimo Vas kontaktirajte:**

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: [ajla.hadzic@dm-drogeriemarkt.ba](mailto:ajla.hadzic@dm-drogeriemarkt.ba)

Alena Kulenović - Delić, PR Director, agencija McCann

Tel: 033/267-121, e-mail: [alena.kulenovic@mccann.ba](mailto:alena.kulenovic@mccann.ba)